

Guovdageainnu suohkan
Bredbuktnesveien 6
9520 KAUTOKEINO

Din dáhton:	Din ref.:	Min dáhton:	Min ref.:	Áššemeannudeaddji:
		01.06.2018	18/00255-1	Johan Ailo Mattias Kalstad Johan-Ailo- Mattias.Kalstad@samiskhs.no

SÁMI KULTUVRA- JA MÁILMMIÁRBEGUOVDDÁŽA ÁSAHEAPMÁI DOARJJACEALKÁMUŠ

Čujuhit ságastallamiidda mat mis leat leamaš Guovdageainnu suohkana sátnedođiheddjiin ja Bergen Universitehta rektoriin vejolaš Sámi kultuvra- ja máilmmiárbeguovddáža ásaheami birra. Dán olis lea leamaš earenoamáš sáhka Tromholt govvačoakkáldaga i birra. Dát čoakkáldat lea dál Bergen universitehta hálddus, muhto ságastallamiid bokte lea universitehta čájehan dáhtu ovttasbargat ja doarjut guovddáža ásaheami vai govaid sáhtášii buorebut gaskkustit ja livčče olámuttos sámi birrasis.

Tromholt govvačoakkáldat lea hui earenoamáš ja das lea stuora árvu. Dat lea hárvve govvadokumentašuvdna mii čájeha sápmelaččaid eallima ja kultuvrra 1880-jagiin. Nu oaidnitge ahte čoakkáldagas lea stuora árvu sihke dutkama ja oahpahusa hárrái. Sámi allaskuvlla studeanttat ja dutkit leat juo mángii fitnan Bergenis daid geahččame, earret eará duodjeoahpahasas. Dan geažil livččii hui ávkkálaš jus govaid lágidivččii dakkár vugiin ahte livčče olámuttos dáppe Guovdageainnus sierra guovddáža bokte.

Sámi allaskuvla atná hui buorren go Guovdageainnu suohkan lea bargagohtán dáinna áššiin ja doarju dan ollásit. Dákko bokte cealkitge ahte mis lea beroštupmi searvat viidáset ságastallamiidda dáinna áigumušain ahte ásahit lagat ovttasbarggu sihke Guovdageainnu suohkaniin ja Bergen universitehtain Tromholt govvačoakkáldaga nalde.

Dearvvuođat/hilsen

Gunvor Guttorm, rektor

Johan Ailo Kalstad, direktivra